



kat.komp


53384

I

Mag. St. Dr.

P

*Isiaakowii Laurentii: Quaestio de corporum  
coelestium prognosi.*



QVÆSTIO  
DE  
CORPORVM COELE-  
STIVM PROGNOſI,

A  
M. LAURENTIO SWICZKOWIC,  
In alma Academia Cracouien. ad diſpu-  
tandum publicè propoſita.

In Menſe Martio, Die <sup>29</sup> 30. Honi 12.  
Anno D. clb lbc XXIII.

Permiſſu M. D. RECTORIS.

Diſputabitur in Lectorio DD. Theologorum.



CRACOVIAE,  
In officina Typogr. Matthię Andreouienſis.

25. 1. 7. 7.

In Stemmata Acad: Crac.



53384

*Regia Sceptum tenes, Regum fundata labore,  
Et Regum nutrix, Regia Sceptum tenes.*



Almæ Academiæ Cracouiensi,  
virtutum & artium bonarum per  
totam Sarmatiam Matri,

M. LAVRENTIVS SWICKOWIC, S. &  
omnem fælicitatem P.

*Magnifice Domine RECTOR, Patres Reuerendi,  
Doctores Excellentissimi, Magistri Venemobiles.*



irtutum & artium, non dicam  
Græciæ, sed totius orbis, em-  
porium illud vrbs Athenæ cele-  
berrimum, licet alios inquiren-  
de suorum ciuium vitæ magistra-  
tus haberet; Areopagum tamen  
vnum, nullis parasangis verbo-  
rum satis vnquam celebratum  
consilium, appellare & habere voluit sanctissimum. Et  
meritò: Sanctissimè enim instituto eius virtutum, qua-  
rum est vberimum alimentum honos, studia & labores  
oleâ publicè exornabantur. Athenæ Sarmatiæ, Acade-  
mia nostra, cuius vos estis Senatores magni & optimi ci-  
ues, inter cætera ingeniorum eruditionis & virtutum  
plurima licet, quæ in consequendis honoribus exer-  
centur publicè & priuatim examina, hoc vnicum diui-

nitus certè longè sanctissimum ordinavit, & sancivit institutum, quo in viris ordini suo adscribi contendentibus, propositis in publicū quæstionibus, specimina virtutum ingeniorumq; sæcundissima magis ac magis eniterent. Huic instituto cùm animus libentissimus obtemperare mihi sit, alios inter competitores prodeamne ego quoque? & an quæstionem ex iis Philosophiæ partibus, quas excolere percupio, disputandam proponam? Abhorrebat quidem animus, dum vel ingenii geniiq; mei vires ad trutinam Hermetis exiguas satis in conspectu confessuq; amplissimo vestro expenderem, vel existimationem non apud imperitorū vulgus, sed sapientissimos, vno Ioue minores viros, nomophylaces æquissimos, concipiendam de me qualemqualem considerarem. Verùm officium vestrum, virtus, prudentia, & benevolentia propria vobis in omnes omnium virtutum & artium bonarum bonos & eruditos cultores, me animavit, animatum erexit. Bonâ ergò spe, bonisq; aurbus in Palæstram istam Minervæ dum prodeo, quæstionem de Prognosi futurorum contingentium ex syderum observatione exprommo, quæ iucundiornè sit an difficilior primâ fronte nō constat. Iuvat quidem omnes homines naturaliter scire desiderare: at causas effectuum, præsertim qui esse vel non esse possunt, rimari & venari, vel ipsi Atlanti cœlos intuenti, perquam difficile! De reliquo vestrum  
iudicium

judicium erit, o Proceres Academiae magni, quorum  
numen & nomen, totum per Septentrionem, magnum,  
tutelare mihi assumendum duxi. Quamobrem adeste  
& quaestionem vobis a me dicatam, benigno aspectu  
aspicite, & paterno sinu accipite: neque tum a vobis  
omnium scientiarum Professoribus & patronis, cum a  
me Physica cum Mathesi tractantem, alienam fore puta-  
tote. Ita cum vestra affuisset gratia, fiet profecto, ut  
maioribus a vobis accumulatus honoribus, pro viribus  
animi omnibus omnem moueam lapidem, talem me  
videri velle & esse, qualem inscriptum ordini vestro v-  
num quemque fore sapientissimè exoptatis. Valet  
longum incolumes, Religioni, Patriae, Academiae, no-  
bis. E Scholâ D. Floriani V. Calend. Mart. Anno  
Domini, cl. lxx. XXIII.

## QVÆSTIO.

V. Corporum cœlestium materiâ & formâ diuersæ rationis à sublunaribus, in quæ agunt, compositorum, motum, lumen, & influentias contemplantes Astrologi, futura contingentia prædicere possint nec nê?

### CONCLUSIO I.

Corpora cœlestia ex materiâ & formâ tanquam suis partibus componentibus, sunt composita.

### COROLLARIA.

1. Corpora cœlestia non repugnat etiam dicere simplicia, cum non sint composita ex contrariis, neque resolubilia in alia corpora.
2. Forma cœlestis indissolubilem habet nexû cum materiâ.
3. Datâ materiâ in corporibus cœlorum, dari quoq; in ijs quanti-

quantitatem ex se terminatam & immutabilem, est necessarium asserere.

4. Præter quantitatem, corpora cælestia sensibiles qualitates habent citra omnem corruptionem.
5. Corpora cælestia ex sua naturâ immutabilia incorruptibiliaq; sunt.
6. Mutari tamen posse post extremum iudicij diem ex sententiâ Theologica concedimus.

## Conclusio. II.

Materia cælorum est diuersæ rationis à materiâ rerum sublunarium.

### Corollaria.

1. De ratione materiæ cælestis est, non esse in potentiâ contradictionis; Contrâ de ratione materiæ rerum corruptibilem intelligendum.
2. In materiâ cælesti cum nulla habeat priuatio, nullus etiam appetitus alienæ formæ est.
3. Materia cælorum perfectior & nobilior est materiâ elementorum.
4. Incorruptibilia corpora, licet habeant materiam nobilioris elementari; ignobiliora sunt omnibus, quæ habent aliquem gradum vitæ.
5. Materia omnium cælorum est eiusdem speciei; sic & formæ eorum

- ma eorum Substantialia solo numero differentes.*
6. *Intelligentia orbium caelorum motrices assistentes appellare placet.*

### Conclusio III.

Corpora caelorum, quamuis diuersae compositionis à sublunari mundo, in eum tamen agunt.

### Corollaria.

1. *Motus, lumen, & influentia non solum actionis sunt instrumenta caelestis in haec inferiora, sed praesagitionis quoque causae.*
2. *Si corporum caelestium cessarent motus, alij quoque, puta inferiorum cessarent motus.*
3. *Causae particulares inferiores sunt essentialiter subordinatae in agendo corporibus caelorum, tanquam causis vniuersalibus & aequiuocis.*
4. *Etsi in ordine ad caelum, nullus sit effectus contingens in hisce inferioribus per intrinsecam virtutem ipsius caeli; tamen aliquid casu euenire potest.*
5. *Motus in caelorum orbibus quadruplex deprehenditur, 1. à primo mobili vix dicitur super polis mundi, ab oriente occidentem versus. 2. à Crystallino, priori contrarium, super polis Zodiaci, & per circulum Zodiacum, qui absoluitur 49000. annorum spatio. 3. à Firmament*

mento (cui præter duos enumeratos proprius est, absoluturq; 7000. annorum) Accessus & Recessus à meridie versus Septemtrionē, qui etiam comunicatur subiectis sphaeris.

4. Singulorum septem errantium proprius certo tempore definitus, qui quò propior primo mobili, eò tardior, quò remotior, velocior. Alioqui omnes planetæ rapiuntur à superioribus ob concentricitatem suorum totalium cum illis. Contra inferiorum Planetarum non rapiuntur, quòd eorum Deferentes sint Eccentrici.

6. Lumen suapte naturâ efficiens, quem continet eminenter, calorem, & quò directiùs indiet, actu magis calefaciens, secundum suam substantiam non est ipsum calidū.

7. Influentiæ occultæ præter alios effectus, sunt quoque productivæ causæ in terræ visceribus mineralium generis varij.

8. Singulis septem Planetis peculiare influentias cum Ptolemæo tribuimus. Cum autem dicimus septem Planetas, dissentimus à Galileo, & quibusdam recentioribus Ioui quatuor, veluti Satellites ipsum circumdantes, motu, magnitudine, & distantia varios, Saturno duos In-tribuent ferimus hinc & fixis stellis inesse vim agendi præcipuam in hæc inferiora.

9. Apparentibus etiam stellis, quas Cometas vocamus, in fluxum non omninò proprium negamus.

## Conclusio IV.

Con-

Contemplantes cœlos Arologi, & astrorum  
Syzygias diligenter obseruantes, futura cō-  
tingentia prædicere possunt.

## Corollaria.

1. *Contingentia futurum esse vel non esse possunt ex vi suæ  
causæ, suntq; media inter necessarium & impossibile.*
2. *Secundum quid seu naturalia contingentia impediun-  
tur aliquando, vel ratione ipsorum causæ materialis  
variæ dispositionem habentis, vel ratione efficientis  
causæ vnius aut plurium concurrentium, sed non  
collectiue, inter quas referimus situs configurationum  
cælorum à Ptolemæi vel aliorum temporibus dissimi-  
les, ex quorum sensu & obseruatione ars prognostica  
fuit nata.*
3. *Astronomiæ certissimis innixi demonstrationibus Ma-  
thematici syderum, Planetarumq; omnium ortus, oc-  
casus, aspectus, eclipses solis & lunæ, aliq; id genus ad  
cæli statum pertinentia certò multoq; antè prædicunt.  
Quinimò*
4. *Effecta quoq; naturalia probabiliter prænunciare pos-  
sunt*
5. *Inspectâ etiam constellatione nati, temperamentum &  
hoc accidentia concomitantia, necnon inclinationem  
ad affectus præcognoscunt.*

6. *Astra cum in intellectu & voluntatem hominum directe non agant; actiones liberas & contrarias inclinationibus præscribi posse omninò negamus. Frustrà ergò Mesahala, Aomar, Zaël, Dorotheus, Alkindus, Alcabitius, Hali, cæteriq; damnatæ Astrologiæ auctores, præter absurda alia, cogitationes hominum etiam investigare docent.*
7. *Qui vult Astrologiam cum honore & laude profiteri, oportet eum præscriptas duodecim boni Astrologi à Ptolem: lib: 1. Quadripart. conditiones servare.*
8. *Multi multa effectu ipso comprobata Mathematici prædixerunt vera, quorum vel ab antiquis, vel recentioribus sumpta exempla infinitè recensere esset.*
9. *Hæc omnia ita asserimus euenire absq; necessitate, saluâ semper libertate: Dum enim actionè corporibus cælorum tribuimus, coactionem negamus, licet impulsum concedamus.*

## Conclusiones ex Trigonometria.

**P**ER Trigonometriam, Geometriæ partem, vulgò nuncupatam, omnia dimensionum generum, quæ sunt Altimetria, Planimetria, & Stereometria, commode & rectè tractari absoluiq; possunt.

Dimensionis Trianguli, quod definitur esse figura  
tri-

tribus angulis totidemq; lateribus terminata, ut est obiectum Trigonometriæ, media duplicia sunt Theoretica alia, alia Practica.

Media Theoretica Trigonometriæ, quæ plurima sunt, in contemplatione proprietatum linearum & angulorum, vel absolutè, vel limitatè consideratorum, includuntur.

Considerantur autem absolutè lineæ & anguli, quatenus in superficie plana vel sphaerica simpliciter existunt absq; figura Geometrica. Limitatè verò, quatenus vel termini Triangulorum sunt, vel rectè Circulo inscriptæ.

Media Trigonometriæ practica sunt duo tantum, Syntaxis Canonis Trigonometrici, & Calculus qui per Canonem subducitur.

Ut tota Geometria ita & Trigonometria, tanquam in fundamento præcipuo suo, fundamini illâ præstantissimâ & verè aureâ. Prop. 4. lib. 6. Elementorum Euclidis, Triangula similia sunt lateribus æquales angulos comprehendentibus proportionalia. Quippè basis est omnium, quæ terrâ, mari, cælo, fiunt, dimensionum.

Laterum & angulorum dimensio est Trigonometriæ finis.

---

Sub fælicibus auspiciis Admodum Reuerendi & Magnifici Domini M. BASILII GOLINII, Sacræ Theol. Doctoris & Professoris, Canonici Crac, Facultatis Theol. Decani. Generalis Aca- demix Crac. RECTORIS.



xxiv. 5. 19.

Biblioteka Jagiellońska



str0025885

